



ՀԱՅՏԱՐԱՐՈՒԹՅՈՒՆ

Ի գիտություն Հայաստանյայց եկեղեցու հոգևորական դասին և հավատացյալներին, հայտնում ենք, թե Մայր Աթոռի պաշտոնական հաղորդագրությամբ, Ամենայն Հայոց կաթողիկոսի կողմից 1968-ին կարգապնդման հռչակված Սարգիս Անդրեասյանը (նախկին քահանա Երևանի ս. Սարգիս եկեղեցու) Անթիլիասի գահակալ Ս. Տ. Խորեն կաթողիկոսի կողմից մի քանի ամիս առաջ վերականգնվել է իր քահանայական կարգի մեջ և ողարկվել Միացյալ Նահանգներ, ուր տ. Հրանտ արքեպ. Խաչատրյանը նրան նշանակել է հոգևոր հովիվ Չիկագո քաղաքում:

Հանում ազգիս Սրբազնագույն Հայրապետի, այսու լիազորված ենք հայտարարելու, որ Անթիլիասի Գահակալը նման կանոնական որևէ իրավասություն չունի, հետևաբար Սարգիս Անդրեասյանը է՛ ու կմնա՝ կրոնական կարգից զուրկ աշխարհական անձ, որը չունի և երբեք չի ունենալու որևէ հանգամանք՝ եկեղեցական խորհուրդ կամ կարգ կատարելու:

Սույն հարցի վերաբերյալ Վեհափառ Հայրապետի հատուկ նամակը 12 փետրվար 1970 թվակիր, ուղղված Ս. Տ. Խորեն Ա. կաթողիկոսին, ինչպես և Մայր Աթոռիս միաբան տ. Հուսիկ եպս. Սանթրոքյանի 29 դեկտեմբեր 1969 թվակիր նամակը, ուղղված Անթիլիասի Դրան եպիսկոպոս տ. Գարեգին եպս. Սարգսյանին, մնացել են անպատասխան:

Հանում Հայոց Հայրապետի, այսու կոչ ենք անում Անթիլիասի Գահակալին և տ. Հրանտ արքեպ. Խաչատրյանին, որ ետ վերցնեն իրենց ոչ օրինական որոշումը և ընդմիջտ արգելեն Սարգիս Անդրեասյանին քահանայական պաշտոն կատարել:

Կոչ ենք անում նաև Չիկագոյի հայ հավատացյալներին, որ չնանաչեն Սարգիս Անդրեասյանին իբրև քահանա և հոգևոր պաշտոնյա Հայաստանյայց եկեղեցու:

Անթիլիասի Աթոռի կողմից նման արարքը քաջալերանք է հանդիսանում նաև այլ քահանաների՝ լքելու իրենց հոտը և հեռանալու մայր հայրենիքից:

Մայր Աթոռս խոր վշտով է արձանագրում այս տխուր պարագան, որը մի նոր փորձ է՝ հարված հասցնելու ս. Էջմիածնին, կրոնական կյանքը Հայաստանում տկարացնելու միտումով:

ԴԻՎԱՆ ՄԱՅՐ ԱԹՐՈՒԻ